



MAKTAB O'QUVCHILARIDA SOG‘LOM TURMUSH TARZINI SHAKLLANTIRISHDA PSIXOLOGNING O‘RNI

Namozaliyeva Zulayxo Toshkanboy qizi

Norin tumani MMTBgga 28-maktab amaliyotchi psixologi

Annotatsiya: Ushbu maqolada yoshlarda sog‘lom turmush tarzini shakllantirishda mahallaning o‘rni va vazivalari haqida fikrlar bildirilgan.

Kalit so‘zlar: mahalla, oila, ma’naviyat, sog‘lom turmush tarsi, globallashuv jarayoni ijtimoiy hayot, oila-mahalla-maktab hamkorligi.

Sog‘lom turmush tarzi iborasining zaminida inson salomatligi qolaversa yoshlar kelajagi yotar ekan, bu jamiyat taraqqiyotining yuksalishida asosiy o‘ringa ega bo‘lishi tabiiydir. O‘zbekiston Respublikasi Prezidentining “2017 — 2021-yillarda O‘zbekiston Respublikasini rivojlantirishning beshta ustuvor yo‘nalishi bo‘yicha Harakatlar strategiyasini “Ilm, ma’rifat va raqamli iqtisodiyotni rivojlantirish yilida amalga oshirishga oid davlat dasturi to‘g‘risida” 2020-yil 2-martdagi PF-5953-son hamda “Sog‘lom turmush tarzini keng tatbiq etish va ommaviy sportni yanada rivojlantirish chora-tadbirlari to‘g‘risida”, 2020-yil 30-oktabrdagi PF-6099-son Farmonlari aholi sog‘lig‘ini mustahkamlashga ko‘maklashadigan aniq dasturlarni amaliyotga joriy etish, yoshlar, ayollar va keksalarni sog‘lom turmush tarziga keng jalb qilish va ularni jismoniy faolligini oshirish uchun qo‘shimcha shart-sharoitlar yaratish maqsadida sog‘lom turmush tarzini keng tatbiq etish va ommaviy sportni yanada rivojlantirish chora-tadbirlari amalga oshirilmoqda. Bugungi globallashuv jarayoni ijtimoiy hayotning barcha jabhalariga o‘z ta’sirini ko‘rsatmoqda, xususan, yoshlar ham bu jarayonlardan xoli emas. Bu bir tomondan umumiy tabiiy jarayon. Chunki hozirgi axborotlashgan jamiyat muhitidan yoshlar ham



turli omillar orqali xabardor bo'lyapti. Lekin ularning mafkuraviy immunitet darajasi qadriyatlarga nisbatan turli xil bo'lishi mumkin. Ayrim yoshlar qarashlarida xalqimizning milliy-ma'naviy qadriyatlariga mos bo'lmagan xatti-harakat, nosog'lom g'oyalar, qadriyatlarga moyillikning oldini olishda aholi orasida sog'lom turmush tarzini shakllantirish borasidagi harakatlar izchillik bilan olib borilmoqda. Ta'kidlash muhimki, bu yo'nalish davlat siyosatining ustuvor vazifalaridan biriga aylangan. Sog'lom turmush tarzi iborasining zaminida inson salomatligi, qolaversa yoshlar kelajagi yotar ekan, bu jamiyat taraqqiyotining yuksalishida asosiy o'ringa ega bo'lishi tabiiydir. Yoshlar sog'lom turmush tarzi – bu faol mehnat, kuchli jismoniy va ruhiy holat, o'ta xavfli va zararli ta'sir ko'rsatuvchi omillarni yenga oladigan, yetuklikka intiluvchan shaxsning shakllanish jarayonidir. Yoshlar o'rtasida ijtimoiy-siyosiy va ma'naviy- ma'rifiy targ'ibot ishlarini samarali hamda ta'sirchan uslubda amalga oshirish maqsadida har bir ta'lim muassasasida sog'lom turmush tarzi, shaxsiy gigiyena, oila ma'naviyati, zararli illatlarning sog'lom bola tu'ilishiga salbiy ta'siri haqidagi tibbiy bilimni oshirishga qaratilgan o'quv-mashg'ulotlar joriy etilgan. Bu yoshlarimiz ongida sog'lom turmush tarzi tamoyillarini singdirishda muhim ahamiyat kasb etadi. Shuning uchun ham kasb-hunar kollejlari o'quvchilari, oliy o'quv yurtlari talabalari xohish- istaklari ostida tegishli mavzular keng yoritib borilmoqda. Mamlakatimizda amalga oshirilayotgan keng ko'lamli islohatlar avvalo yoshlarni har jihatdan yetuk qilib tarbiyalashga bog'iqdir. Ta'lim-tarbiya tizimida yangidan yangi usullar va dasturlarning amalga oshirilib kelinayotganligi mazkur sohadagi rivojlanishlar kafolati bo'lib hizmat qilmoqda. Xususan, mamlakatimizda oila-mahalla-maktab hamkorligi konsepsiyasining tadbqiq etilishi barkamol avlod tarbiyasi islohatlarining yangicha yondashuvlarga asoslangan modeli bo'lib hizmat qilmoqda. Masalaning bugungi kundagi ahamiyati va dolzarbligi shundaki, yoshlarning xususan, talabalar ijtimoiy-siyosiy faolligi, barkamol avlod bo'lib yetishishi, har tomonlama yetuk kadrlar bo'lishida, ularning sog'lom turmush tarziga amal qilib voyaga etishida oila va mahalla institutlari hamkorligining yangi imkoniyatlarini kengaytirish dolzarb ahamiyat kasb etmoqda. O'zbekistonda amalga oshirilayotgan tub islohatlar jamiyat va davlat manfaatlarini himoya qilish, yurt ravnaqi, el farovonligi yo'lida fidokorona mehnat



qiladiga ma'naviy barkamol avlodni tarbiyalash, milliy va umuminsoniy qadriyatlarga asoslangan demokratik huquqiy davlat barpo etishga qaratilgan. Mamlakatimizda sog'lom avlodni tarbiyalashda oila-mahalla-ta'lim muassasasi hamkorligini kuchaytirish samaralar garovidir. Bu borada hukumatimiz tomonidan amalga oshirilayotgan yo'nalishlar quyidagilardan iborat:

- Oila, mahalla, ta'lim muassasalari hamkorligini ta'minlashning huquqiy bazasini takomillashtirish, hamkorlikni kuchaytirishga qaratilgan uslubiy ta'minotni mustahkamlash;
- Oilada yoshlar va ota-onalarning ijtimoiy faolligini oshirish;
- Ijtimoiy himoyaga muhtoj oilalarni moddiy va ma'naviy qo'llab quvvatlash;
- Barkamol avlodni tarbiyalashga qaratilgan ma'naviy-ma'rifiy tadbirlarni mazmunan takomillashtirish, uning samaradorligini oshirish mexanizmini yaratish;
- Sog'lom avlodni tarbiyalashda ommaviy axborot vositalari va zamonaviy axborot texnologiyalaridan samarali foydalanish.

Mustaqilligimizning ilk yillaridan boshlab, davlatimiz tomonidan inson salomatligini yanada mustahkamlash, sog'lom insonlar safini kengaytirish, onalar va bolalar sog'lig'ini muhofaza qilish, sog'lom turmush tarzini keng omma o'rtasida shakllantirish, oilada tibbiy madaniyatni oshirish, har bir shaxsning salomatligi o'z qo'lida ekanligini aholi o'rtasida keng tashviqot-targ'ibot qilish, bir so'z bilan aytganda, sog'lom jamiyatni tashkil etishga katta e'tibor qaratilgan. Bu borada bir qancha qonun va qonun osti hujjatlar qabul qilindi. Oxirgi yillarda Prezidentimiz tomonidan sog'liqni saqlash sohasida qabul qilingan 10 dan ortiq istiqbolli Farmon va Qarorlar ana shunday xayrli ishga qaratilgan bo'lib, bugungi kunda omilkorlik bilan bosqichma-bosqich amalga oshirilmoqda. Ushbu hujjatlarda Respublikamiz aholisiga ko'rsatilayotgan tibbiy xizmat sifatini yaxshilash, aholi o'rtasida tibbiy muhofazani kuchaytirish, sog'lom turmush tarzini shakllantirish kabi qator muhim masalalar belgilab berilgan. Bu borada Respublikamizda sobit-qadamlik bilan olib borilayotgan turli tadbirlar o'zining ijobiy samarasini bermoqda.



Sharqda qadim-qadimdan oila muqaddas dargoh sanalgan. Agar oila sogʻlom va mustahkam boʻlsa, jamiyatda tinchlik va hamjihatlikka erishiladi. Mahalla, yurt mustahkam boʻlsagina, davlatda barqarorlik va osoyishtalik hukm suradi. Har bir inson oʻz oilasining fayzli, farovon va mustahkam boʻlishini istaydi. Ammo oila qurib, yurtparvar, aqlli, solih farzandlar oʻstirib, kamolga etkazish gʻoyat mushkul ish ekanligini barchamiz yaxshi bilamiz. Hech bir shubhasiz aytish mumkinki, oila fuqarolik jamiyatining tayanch nuqtasidir. Chunki bu muqaddas dargohda nafaqat inson dunyoga keladi, balki u maʼnan va aqlan tarbiya topadi. Oila qanchalik mustahkam boʻlsa jamiyat ham shunchalik barqaror boʻladi va tez rivojlanadi. Inson oʻzini oʻrab turgan dunyo haqidagi bilimlarini maʼnaviyat va axloq haqidagi ilk tushunchalarni yaxshilik va yomonlik toʻgʻrisidagi boshlangʻich tasavvurlarni oiladan oladi. Ushbu vazifalarni amalga oshirishda asosan profilaktik tekshirish, uzoq muddatli kasalliklarni aniqlash va davolash, sogʻlom turmush tarzini amalga oshirish, shu bilan birga zararli koʻnikmalar boʻlgan chekish, ichish va giyohvandlik, erta va qarindoshlar oʻrtasidagi nikoh, OITSning oldini olish boʻyicha profilaktika ishlarini olib borishga alohida eʼtibor qaratilmoqda. Maʼlumki, oila qurishdan maqsad nafaqat ikki yoshning baxtli va birga hayot kechirishi, balki sogʻlom farzandlarni dunyoga keltirish va mustahkam oila barpo etishdir. Vaholanki, etuk muhitni tashkil etishda koʻplab tarkib va birikmalar, shu bilan birga, ikki yoshning salomatligi muhim ahamiyat kasb etadi.

Oilada bolani toʻgʻri tarbiyalashning asosiy shartlaridan biri-tarbiyadagi birlikdir. Bunday ulkan maʼsuliyatni, sharaflilikni oila, maktab, mahalla, keng jamoatchilik bilan hamkorlikda olib borish muhim oʻrin egallaydi. Oila boshqa tarbiyaviy muassasalardan farkli paviyishda odamning butun hayoti davomida uning barcha tomonlariga, qirralariga taʼsir koʻrsatishga qodirdir va odatda taʼsir koʻrsatadi. Oila tarbiya vazifasining bu ulkan miqyosi uning mafkuraviy va psixologik taʼsir koʻrsatishining chuqur oʻziga xosligi bilan uygʻunlashib ketadi. Bu esa uni oliy darajada taʼsirchan qilibgina qolmay, shu bilan birga shaxsni shakllantirish jarayonining zarur bugʻiniga ham aylantiradi.



Adabiyotlar:

1. Abdullaev I.K. Turmush tarzi va inson salomatligi. –T.: 2006.
2. Arziqulov R.U. Sogʻlom turmush tarzi asoslari – T.: 2005.
3. Egamberdieva N. Mahallaning oila va taʼlim muassasasi hamkorligini taʼminlashdagi oʻrni va roli //—Yoshlarni oilaparvar, ota-onalikka tayyorlashda oilaning roli mavzusidagi Respublika miqyosidagi ilmiy-amaliy anjuman materiallari. – T, 2013.
4. Musurmonova O. Oilada sogʻlom avlodni tarbiyalashda oila-mahalla-taʼlim muassasalari hamkorligining ustuvor yoʻnalishlari //—Yoshlarni oilaparvar, ota-onalikka tayyorlashda oilaning roli mavzusidagi Respublika miqyosidagi ilmiy-amaliy anjuman materiallari. – T., 2013. – B.217.
5. Nuraliyeva N.B. Oila, mahalla va jamoatchilikning birgalikdagi tarbiyaviy ishlari // Maktab va hayot. – 2006. - №4.